

# "Model Jam" lo causa furor

ORANJESTAD (AAN): Awe Diabierna 5 di Juni pa exactamente 9'or di anochi, e nightclub nobo "Hit & Run", net banda di Hooters lo rebenta cu un explosion tremendo di moda, musica, y arte. Tur esey presenta pa Knock Out Model Agency.

Un ambiente extravagante lo reina na e club aki, unda cu personalidadnan di farandula, arte, moda, y musica lo ser entreteni pa modernismo den su totalidad.

"Model Jam" lo ta un evento cu nunca a yega di ser presenta aki na Aruba. E ta un concepto di Elizette Wernet y Ronchi de Cuba, treciendo dilanti e aspecto moderno di ciudadnan grandi manera New York, South Beach, Paris, y Milan, bao un solo dak, esta esun di "Hit & Run".

Den un ambiente totalmente diferente y nobo, esnan presente lo goza di e tremendo "fashion clip" di e boutiquenan RZ y Mucho Macho, cual lo ser presenta pa e fabuloso modelonan di Knock Out Model Agency. Modelonan femenino manera Ahira Lozano, Jenny Croes, Giselle Dawson, Gianina Kelly, Maggie Lie Kwie, Andriani Moebin, Jerianne Thiel, Joslenny Chiquito, Jeanette Ettienne, y Lilah Croes lo desfila den un forma completamente fresco, nobo, y diferente e ultimo coleccionnan di RZ Boutique, tre-



ciendo dilanti e look moderno pa cu Verano 1998.

Rafa's Beauty Parlor lo percursa pa cu e tremendo peinadonan extravagante cu e modelonan lo ta luciendo durante e desfile aki, cu maquillaje fuera di lo comun di Elizette Wernet, modelonan femenino lo fungi como gritonan fuerte riba pasarela, treciendo dilanti e imagennan di awor.

Pa loke ta trata e parti di presentacion di e ultimo estilonan di Mucho Macho Boutique, modelonan masculino manera Marchelino Roos, Jason Gerling, Alex Brokke, Bryan Dirks, Cedric Frans, Junior Tromp, y Rénwick Ras, lo presenta den forma no-comun y asina entrega na esnan presente e prome bista pa loke ta trata moda masculino pa cu Verano '98.

Treci dilanti cu hopi "acidez" e desfile aki sigur lo ta uno impactante, cu aspectonan moderno y excentrico. Tambe lo bay tin show-offs di e mihor Djnan di Aruba, cu lo pone un y tur bati nan curpa segun e ritmo di nan spin. Un anochi yena cu moda, cu boshi baliamento, treci dilanti den un forma nunca bisto aki na Aruba.

Nombenan manera e.o. DJ Francis, DJ Edson, DJ Theo, y DJ Version, y mucho mas lo pone e musica di nan estilo resona riba equipo di Miniteca Emanon, conhun-


tamente cu e tremendo equipo di sonido y efectonan di luz di "Hit & Run" Nightclub.

Fuera di tur esaki, e publico presente lo por goza di otro shownan espectacular manera e.o. e show di "tattoo" unda expertonan local, como tambe internacional, lo demostra e arte di tatuaje, y alavez lo tuma clientenan pa asina mas ainda haci dicho anochi mas interesante.

Lo bay tin un variacion grandi di premionan, cual ta "Surfboard mas Suave" unda cu e surfer cu trece e surfboard mas 'master' lo gana un pasashi ida y vuelta pa Puerto Rico pa un week-end, "Crazy Outfit" pa e persona, homber of muher, cu presenta den e look mas extravagante pa cu e anochi, usando moda di "RZ" of "Mucho Macho" Boutique, unda e ganador of ganadora lo ricibi un certificado di un di e boutiquenan na un balor di 350 Florin.

Tambe lo duna premio pa e "Outrageous Hair" pa e persona cu e cabey mas extravagante. E lo ricibi un set completo di producto di cabey di marca Italiano, esta "Alfa Parf" hunto cu un premio cash di 200 Florin.

Tambe premio pa "New Dance Move", pa e persona cu introduci e forma di baile nobo, mas diferente posible, pa e premio di 100 Florin.




Tambe "Dangerous Dreadlocks" pa e persona cu e dread-lock mas straño, lo haya 100 Florin. Tambe pa "Bikini Lady" y "Sensual Beach Guy" lo ta pa e chick y e guy mas sensual di e anochi, unda cada uno lo ricibi un weekend stay na un hotel.

Fuera di tur esaki, "Model Jam" lo worde transmiti pa TeleAruba riba e ultimo Diasabra di Juni, unda e programa "Spotlight" lo haci un cobertura extra di un ora largo



pa e evento, treciendo asina e ambiente formal di e anochi riba pantayan di TV, pa Aruba henter admira e tremendo fiesta aki, cu tin como meta, e entretenimento di esnan cu gusta diverti nan mes.

Carchinan ya ta obtenible na RZ y Mucho Macho den caya, como tambe cerca e modelonan participando den e "fashion clip" di ambos boutique, na un valor di 15 Florin pa persona. No keda sin perde e tremendo evento aki cu lo uni moda, arte, musica, y farandula en general den un tremendo ambiente internacional y moderno. "You miss, you loose!"



## Exposicion "E Flamingo Arubiano" na Biblioteca Nacional

ORANJESTAD [AAN] Diadomingo awor, 7 di Juni, ta bai tin apertura di un exposicion di sr.Hubert Booi den "Sala di Actividad" di Biblioteca Nacional Aruba.

Titulo di e exposicion "E Flamingo Arubiano" cu ta consisti di obranan di su coleccion priva. Algun di e obranan aki lo ta na venta.

Sr.Hubert Booi a nace na Bonaire, pero ta bibando bastante aña caba na Aruba. E ta un persona cu tin varios logro cultural riba su nomber. E ta un escritor, un poeta, un pintor y hopi mas.

Na mesun momento Biblioteca Nacional Aruba ta haci uso di e ocasion aki pa

rendi homenahe na sr.Booi. Sr.Lio Booi ta un persona cu semper a coopera cu biblioteca y ta un persona cu a contribui hopi riba tereno cultural.

Pa e ocasion aki Biblioteca Nacional Aruba a saca un publicacion "E Perla di Caribe", cual ta un comedia skirbi pa sr.Hubert Booi.

E homenahe lo tuma lugar diadomingo awor di 5'or pa 7'or den Biblioteca Nacional Aruba na Playa. E exposicion mes ta tuma lugar di dialuna 8 pa 18 di Juni. Un y tur ta keda cordialmente invita pa bishita e exposicion di sr.Hubert (Lio) Booi.

